

撰集百

緣

籍


經

才八

涇八

四百廿四

50946



元祿九年丙子二月日重修

皇國聖圖 帝階級呂

佛日增輝 懺輪常轉

山城州天安寺法金剛院置



撰集百緣經卷第八

吳月支優婆塞支謙譯

比丘尼品第八

寶珠比丘尼生時光照城內緣七十一

佛在舍衛國祇樹給孤獨園時彼城中有一

長者名曰善賢財寶無量不可稱計選擇族

望娉以爲婦作諸音樂以娛樂之其婦懷妊

足滿十月生一女兒端正殊妙世所希有頂

上自然有一寶珠光曜城內父母歡喜因爲

立字名曰寶珠年漸長大體性調順好喜惠

施頂上寶珠有來乞者即取施與尋復還生

以母歡喜將詣佛所女見佛已心生喜樂求

索入道佛即告言善來比丘尼頭髮自落法
服著身成比丘尼精勤修習得阿羅漢果三
明六通具八解脫諸天世人所見敬仰時諸
比丘見是事已前白佛言今此寶珠比丘尼
宿植何福生便頂上有此寶珠值佛世尊得
獲道果尔時世尊告諸比丘汝等諦聽吾當
爲汝分別解說乃往過去九十一劫波羅捺
國有佛出世号毗婆尸化緣周訖遷神涅槃
有王名曰梵摩達多收其舍利起四寶塔而
供養之時有一人入此塔中持一寶珠繫著
振頭發願而去緣是功德九十一劫不墮惡
趣天上人中常有寶珠隨共俱生受天快樂

乃至今者遭值於我出家得道。今時諸比丘
聞佛所說歡喜奉行。

善愛比丘。尼生時有自然食緣七十二。

佛在王舍城迦蘭陀竹林時。彼城中有一長者名曰修伽。財寶無量不可稱計。選擇族望
姪。以爲婦作倡伎樂以娛樂之。其婦懷妊。足
滿十月。生一女兒。尋即能語。家中自然百味
飲食皆悉備。有時女父母見其如是。謂是非
人。毗舍闍鬼畏不敢近。時彼女子見其怖畏。
合掌向母而說偈言。

願母聽我語

今當如實說

實非毗舍闍

及諸餘鬼等

我今實是人

業行相隨逐

善業因緣故 今獲如是報

尔時父母聞女說偈喜不自勝尋前抱取乳
哺養育因為立字名曰善愛時彼女子見母
歡悅合掌白言為我請佛及比丘僧尋即與
請百味飲食皆悉充足即於佛前渴仰聞法
佛即為其說四諦法心開意解得須陀洹果
年漸長大便白父母求索入道父母愛念不
能違逆將詣佛所求索出家佛即告言善來
比丘尼頭髮自落法服著身成比丘尼精勤
修習得阿羅漢果三明六通具八解脫諸天
世人所見敬仰尔時世尊將千二百五十比
丘詣於他邦到曠野中食時已至告善愛比

立尼言汝今可設飲食供養佛僧尋取佛鉢
擲虛空中百味飲食自然盈滿如是次第取
千二百五十比丘鉢飯亦皆滿都令豐足尔
時阿難見是事已歎未曾有前白佛言今此
善愛比丘尼宿植何福乃能有是竒特妙事
百味飲食應念即至又值世尊出家得道尔
時佛告阿難汝今諦聽吾當為汝分別解說
此賢劫中波羅捺國有佛出世号曰迦葉著
衣持鉢將諸比丘入城乞食次第到一大長
者家設諸餽饌欲請賓客客未至頃有一婢
使見佛及僧在於門外乞食立住不白大家
取其飲食盡持施與佛及眾僧後客來坐勅

彼婢言辦設食來婢答大家今有佛僧在其
門外乞食立住我持此食用布施盡大家聞
已尋用歡喜即語婢言我等今者值是福田
汝能持此飲食施與使不可言我今放汝隨
意所求婢答大家若見放者聽在道次尋即
聽許作比丘尼一萬歲中精勤無替便取命
終不墮惡趣天上人中百味飲食應念即至
佛告諸比丘欲知彼時婢使比丘尼者今此
善愛比丘尼是由於彼時精勤持戒今得值
我出家得道今時諸比丘聞佛所說歡喜奉行
白淨比丘尼衣裹身生緣七十三
佛在迦毗羅衛國尼拘陀樹下時彼城中有

一長者名曰瞿沙選擇族望姊以爲婦作諸
音樂以娛樂之其婦懷妊足滿十月生一女
兒端正殊妙有白淨衣裹身而生因爲立字
名曰白淨年漸長大衣亦隨大鮮白淨潔不
煩浣染衆人見之競共求索白父母言我今
不貪世俗榮華願樂出家父母愛念不能違
逆尋將佛所求索出家佛即告言善來比丘
尼頭髮自落身上白衣化爲袈裟成比丘尼
精勤修習得阿羅漢果三明六通具八解脫
諸天世人所見敬仰尔時阿難見是事已白
佛言世尊今此白淨比丘尼宿植何福生時
自然有好淨衣裹身而生出家未久得獲道

跡。尔時世尊告阿難言。汝今諦聽。吾當爲汝
分別解說。此賢劫中波羅捺國有佛出世。号
曰迦葉。將諸比丘遊行聚落。教化衆生。時有
女人見佛。及僧心懷歡喜。持一張氎。布施佛
僧。發願而去。緣是功德。天上人中常有淨衣。
裹身而生。乃至今者。遭值於我。出家得道。佛
告阿難。欲知彼時布施氎者。今此白淨比丘
尼。是尔時諸比丘聞佛所說歡喜奉行。
須漫比丘尼辯才緣七十四

佛在舍衛國祇樹給孤獨園。時彼城中有一
婆羅門名曰梵摩多。聞辯才明解經論四事。
隨典無不覽達。選擇高門。姊以爲婦。足滿十

月生一女兒端正殊妙智慧辯才無有及者
聞諸婆羅門共父論議悉能受持一言不失
如是展轉所聞其多耆舊長宿皆來諮啓無
不通達聞世有佛始成正覺教化衆生諮受
法味尋自莊嚴著諸瓔珞往詣佛所見佛世
尊三十二相八十種好光明普曜如百千日
前禮佛足却坐一面佛即爲其說四諦法心
開意解得須陀洹果求索出家佛即告言善
來比丘尼頭髮自落法服著身成比丘尼精
勤修習得阿羅漢果今時阿難見是事已白
佛言世尊今此須漫比丘尼宿植何福雖受
女身多聞第一又值世尊出家得道今時世

尊告阿難言汝今善聽吾當為汝分別解說
此賢劫中波羅捺國有佛出世号曰迦葉化
緣周訖遷神涅槃於像法中有一比丘尼心
常喜樂說法教化精勤無替因發誓願使我
來世釋迦牟尼佛法之中明解經論發是願
已便取命終生天人中聰明智慧無有及者
佛告阿難欲知彼時說法教化比丘尼者今
得值我出家得道多聞第一尔時諸比丘聞
佛所說歡喜奉行

憍師女作比丘尼緣七十五

佛在王舍城迦蘭陁竹林時彼城中豪富長者各相師合設大節會作諸伎樂而自娛樂

時有儂師夫婦二人從南方來將一美女字
青蓮華端正殊妙世所希有聰明智慧難可
訓對婦女所有六十四藝皆悉備知善解儂
法迴轉俯仰曲得節解作是唱言今此城中
頗有能儂如我者不明解經論能問荅不時
人荅曰有佛世尊在迦蘭陁竹林善能問荅
使汝無疑儂女聞已尋將諸人共相隨逐且
歌且儂到竹林中見佛世尊猶故憍慢放逸
戲笑不敬如來尔時世尊見其如是即以神
力變此儂女如百歲老母髮白面皴牙齒踈
缺偃偻而行時彼儂女自觀其身形狀極老
而作是言今我此身以何因緣卒有如是衰

老相現今者必是佛之威神使我故尔即於
佛前深生慙愧前白佛言我於今者在世尊
前憍慢自大放情縱意唯願世尊當見原恕
尔時世尊知此儻女心中調伏以神通力變
儻女身如前無異時諸大衆見此儻女卒老
卒壯無有常定各生厭離解悟非常心開意
解有得須陀洹者斯陀含者阿那含者阿羅
漢者有發辟支佛心者有發無上菩提心者
時彼儻女及其父母即於佛前求索出家佛
即告言善來比丘尼頭髮自落法服著身成
比丘尼精勤修習得阿羅漢果三明六通具
八解脫諸天世人所見敬仰時諸大衆見是

事已前白佛言乃能化此放逸妖姿不信之
人使令開悟出家得道尔時世尊告諸大衆
非但今者能化彼耶過去世時我亦化彼時
諸大衆聞是語已復白佛言不審世尊過去
世時其事云何唯願世尊敷演解說尔時世
尊告諸大衆汝等諦聽吾當爲汝分別解說

乃往過去無量世時波羅捺國王有太子
孫陁利入山學道獲五神通見緊那羅女端
正殊妙狀如諸天作諸姿態且歌且舞鼓動
我心望使染著退失仙道我於彼時心遂堅
固無有慾想語彼女言一切有爲無有常定
我今觀汝形體臭穢充滿其中薄皮覆上不

可久保正。尔當有髮白面皴，僂僕而行。汝今何為憍慢放恣，乃至如是向者歌聲。其音已變，何故在此作諸恣態？於是緊那羅女聞是語，已尋向仙人懺悔罪咎，因發願言：使我來世得斷生死，我於汝邊得獲道果。佛告大眾：欲知彼時王子學仙道者，則我身是彼時緊那羅女。今青蓮華比丘尼，是由於彼時發願力，故今得值我出家得道。尔時諸比丘聞佛所說歡喜奉行。

迦尸比丘尼生時，身被袈裟緣七十六

佛在波羅捺國鹿野苑中，尔時梵摩達王其婦懷妊足滿十月，生一女兒，身被袈裟端正。

殊妙世所希有召諸相師占相此女相師觀
已問其父王此女生時有何瑞相父王荅曰
此女生時身被袈裟因爲立字名迦尸孫隨
利年漸長大衣亦隨大稟性賢善慈仁孝順
將諸侍衛出城遊戲漸次往到鹿野苑中見
佛世尊三十二相八十種好光明普曜如百
千日心懷喜悅前禮佛足却坐一面佛即爲
其說四諦法心開意解得須陀洹果歸白父
王我於今者出城觀看鹿野苑中見佛世
尊百福相好莊嚴其身威儀庠序容貌可觀
願王今者慈哀憐愍聽在道次於時父王愍
此女故不能違逆將詣佛所求索出家佛即

告言善來比丘尼頭髮自落法服著身成比
丘尼精勤修習得阿羅漢果三明六通具八
解脫諸天世人所見敬仰時諸比丘見是事
已前白佛言今此迦尸孫陀利比丘尼宿植
何福生於豪族有此袈裟著身而生及獲道
果今時世尊告諸比丘汝等諦聽吾當為汝
分別解脫乃往過去無量世時波羅捺國有
佛出世号迦那伽牟尼將諸比丘遊行教化
時有王女值行見佛心歡喜悅前禮佛足請
佛及僧唯願世尊受我三月四事供養佛即
然可三月之中受供養已復以妙衣各施一
領緣是功德天上人中尊榮豪貴常有袈裟

隨身而生佛告諸比丘欲知彼時主女者今
孫陁利比丘尼是尔時諸比丘尼聞佛所說
歡喜奉行

額上有真珠鬘比丘尼緣七十七

佛在舍衛國祇樹給孤獨園時彼城中有一
長者名曰沸䟽財寶無量不可稱計選擇族
望娉以爲婦作諸伎樂以娛樂之其婦懷妊
足滿十月生一女兒端正殊妙世所希有額
上自然有真珠鬘父母見之甚懷欣慶召諸
相師占相此女相師覩已問其父母此女生
時有何瑞相父母荅言此女生時額上自然
有真珠鬘因爲立字名曰真珠鬘年漸長大

稟性賢善慈愍孤窮有來乞者脫此珠鬘尋
以施之續復還生如前無異時須達長者聞
彼涕䟽有此好女通致信命求索珠鬘欲爲
其子姊以爲婦時真珠鬘聞須達名爲兒求
索前白父母慈哀憐愍若欲持我與彼兒者
當作要誓必共出家然後與彼若不尔者我
不貪著世俗榮華時女父母愛念女故不能
違逆尋即往至語須達言具陳女意時須達
多聞是語已共相然可即爲納娶未經幾時
俱生厭心尋共相將往詣佛所求索出家佛
即告言善來比丘尼頭髮自落法服著身成
比丘尼精勤修習各獲道果三明六通具八

解脫諸天世人所見敬仰時諸比丘見是事
已前白佛言今此真珠鬘夫夫婦宿植何福生
時自然有此珠鬘著頭而生出家未久獲阿
羅漢果尔時世尊告諸比丘汝等諦聽吾當
爲汝分別解說此賢劫中波羅捺國有佛出
世号曰迦葉將諸比丘鹿野苑中轉正法輪
度脫衆生時有長者名阿沙羅聞佛說法化
度衆生而作是言我當勸化城中民衆爲佛
及僧作般遮于瑟作是語已上白國王乘大
白象行於市肆處處道頭勸化諸人作般遮
于瑟時有婦女見其勸化頂上有珠尋即解
與夫從外來見婦頭上無有珠鬘尋即問言

汝此珠鬘爲當與誰婦。答夫曰：今阿沙羅長者來至此中，勸化諸人。我解此珠，持用施與。夫即歡喜，更取寶珠，持用布施。因發願言：使我來世莫墮惡趣。天上人中常有珠鬘隨我。俱生佛告諸比丘：由於彼時布施珠故，今得值我出家得道。爾時諸比丘聞佛所說歡喜奉行。

差摩比丘尼生時，二王和解緣七十八。

佛在舍衛國祇樹給孤獨園。爾時波斯匿王及梵摩達王常共忿諍。各將兵衆象兵馬兵車兵步兵，在河兩岸各立標相。夫人月滿各生男女，端正殊妙。王大歡喜，擊鼓唱令集諸。

兵衆賞賜財物等同歡喜求相和解共爲婚
姻令我二國從今已去更莫相犯乃至子孫
作是要已各還本國時梵摩王子年始七歲
齎持珍寶種種雜物送與波斯匿王求欲納
娶時女聞已白父王言人身難得我今已得
諸根難具我今已具信心難生我今信心佛
世難值我今得值唯願大王莫置女身在諸
難中令女永離諸善知識唯願慈愍聽我出
家王答女言汝在胎時吾以許彼由汝之故
二國和解不相侵陵吾今若當不稱彼者則
負言信彼必當還與我作讎諸天嫌我不加
擁護大臣人民都不見信亦違先主宿舊法

制汝叵曾聞阿闍世王波瞿利王如是等比
數十諸王皆由妄語墮地獄中汝今云何欲
令使我同彼諸王受地獄苦而作妄語汝今
不宜請辭於我時波斯匿王作是語已即便
遣使語梵摩達王七日之內速來納娶使者
奉教速往到彼語梵摩王七日之內我當成
婚尔時王女聞王遣使催喚彼女心懷憂惱
著垢膩衣捨諸瓔珞毀悴其形即上高樓長
跪合掌遙向祇洹而作是言如來世尊慈悲
憐愍一切衆生一念之中能知三世我今苦
厄願垂哀愍而見救濟尔時世尊遙知王女
精誠求哀求索救濟恍惚之間即現女前種

種說法心開意解得阿那含果至七日頭梵
摩王子將諸侍從數千萬人齎其珍寶種種
服飾欲來娶婦至其宮中欲共妻娶不覺女
身在虛空中作十八變東涌西沒南涌北沒
行住坐卧變化自在還從空下時波斯匿王
見女如是深生惶怖而語女言我今愚冥都
不知汝有是神變而以污穢塵染於汝懺悔
罪咎聽汝出家其夫王子亦生信敬而作是
言我亦愚癡無所識別作如是意願亦聽我
懺悔其罪聽汝出家今時王女聞是語已尋
詣祇洹見佛世尊求索出家佛即聽許作此
比丘尼精勤修習得阿羅漢果時諸比丘見是

事已白佛言世尊今此老摩比丘尼宿植何
福生在王家無有欲想出家得道今時世尊
告諸比丘汝等諦聽吾當爲汝分別解說此
賢劫中波羅捺國有佛出世号曰迦葉於其
法中有一婦女與其夫主心不相喜常共忿
諍每於一日各相勸勉詣比丘所受八閼齋
因共求願使我等輩在所生處尊榮豪貴於
闔諍中常共和解發是願已隨壽長短各取
命終共生王家佛告諸比丘欲知彼時夫主
公者今梵摩王是彼時婦公者今波斯匿王
是彼時夫主者今王子是彼時婦者今王女
是今時諸比丘聞佛所說歡喜奉行

波斯匿王醜女緣七十九

佛在舍衛國祇樹給孤獨園。爾時波斯匿王摩利夫人生一女。見面貌極醜。身體麤澀。猶如蛇皮頭髮。麤強猶如馬尾。王見此女。無一喜心。便勅內宮勤加守護。勿令出外。使人得見。王自念言。此女雖醜。形不似人。然是末利夫人所生。而養育之年。漸長大。任當嫁娶。時王憂愁。知當奈何。無餘方計。便告一臣。卿可推求。本是豪族種姓家者。今若貧乏。無錢財者。便可將來。臣即受教。遍往求覓。得一貧窮豪族之子。吏便喚之。將來詣王。王見此人。共至屏處。密共私語。聞御豪族。今者貧窮。當相

供給我有一女面貌極醜幸為不違當納受之時此貧人長跪白王當奉教勅正使大王以狗見賜我亦當受不違王教何況今者未利夫人所生之女今設見賜奉命納之王即以女妻彼貧人為起舍宅牢閉門戶令有七重王囑女夫自捉戶排若欲出行而自閉之我女醜惡勿令外人見其面狀常牢閉戶幽閑在內王出財物隨其所須供給女婿使無乏短王即跪拜授為大臣於後時間多財饒實無所乏少與諸豪族共為邑會月月更作會同之時夫婦共來男女雜合共相娛樂諸來會者各將自婦共來赴會雖彼大臣獨不

將來衆人疑恠彼人婦者。儻能端正顏色。暉
曜或能極醜不中顯現。是以彼人不將婦來
今當設計往觀彼婦。即各同心密共相語。以
酒勸之。令醉卧地。解取門鈎。使令五人往至
其家。開其門戶。欲觀其婦。當於余時。彼女心
惱自責。罪咎我種。何罪爲夫。所憎恒見幽閉
處。在闇室不覩日月。及與諸人復自念言。今
佛在世。常以慈悲觀諸衆生。有苦厄者。即往
度之。余時此女即便至心遙禮。世尊唯願哀
愍。來到我前。暫見教訓。其女精誠敬心。純篤
佛知其意。即到其家。於其女前。地中涌出紺
髮。相現其女。舉頭見佛。髮相倍加歡喜敬心。

極深其女頭髮自然細軟紺青色相佛漸現
面女便見之心懷歡喜面復端正惡相麁皮
自然化滅佛漸現身金色晃晃令女見之女
見佛身益增歡喜身體端嚴猶如天女佛便
爲說種種法要心開意解得須陀洹果心懷
踊悅與世無比時佛還去尔時五人開門入
內見其端正殊妙少雙時彼五人各相謂言
我恠此人不將婦來見婦端正乃至若是觀
覩已竟牢閉門戶還繫戶鈎彼人帶頭本處
會同各罷其人還家入其舍內見婦端正殊
特過人欣然問言汝是何人婦答夫言我是
汝婦夫即問言汝前極醜今者何緣端正乃

尔其婦具以上事。答夫緣佛神德。使我今得。如是身體。婦復白夫。今我意欲與王相見。汝當爲我通其意。情夫受其言。即往白王女郎。令者欲來相見。王答女夫。莫道此事急。當牢閉慎。勿令出。女夫答王。何以乃尔。女郎今者蒙佛威神。便得端正。天女無異。王聞是已。審如是者。速往將來。即莊嚴車迎女入宮。王見女身端正。殊特。世無等。雙歡喜。無量。不能自勝。王即告勅。嚴駕車乘。共詣佛所。頂禮佛足。却坐一面。長跪白佛言。世尊。不審此女宿植何福。乃主豪貴富樂之家。復造何業。受醜陋形皮毛。麁強劇於畜生。唯願世尊當見開示。

尔時世尊告大王夫人汝今善聽當爲汝說
乃往過去無量世時有一大國名波羅捺有
一長者財寶無量不可稱計時彼長者合其
家內常恒供養一辟支佛身體麤惡形狀醜
陋憔悴叵看時長者家有一小女見辟支佛
來惡心輕慢呵罵毀言面貌醜陋身皮麤惡
何其可憎時辟支佛數至其家受其供養在
世經久欲入涅槃即便爲其現大神變涌身
虛空身出水火東涌西沒南涌北沒於虛空
中行住坐卧隨意變現令長者家一切覩見
還從空下至長者家長者歡喜不能自勝其
女即時悔過自責唯願慈悲哀當見開恕我前

惡心罪豐過厚幸不在懷今聽懺悔勿令有
罪佛告大王欲知今時彼長者女毀咎辟支
佛故於後生處常受醜形後見神變向其悔
過故今得端正超世奇特無有及者由是供
養辟支佛故在所生處常生富家尊榮豪貴
無所乏少又值於我脫其憂苦今時波斯匿
王及諸臣民間佛說是業報因緣心開意解
有得須陁洹者斯陁含者阿那含者阿羅漢
者有發辟支佛心者有發無上菩提心者今
時諸比丘聞佛所說歡喜奉行

盜賊人緣八十

佛在毗舍離國重閣講堂時彼城中有一愚

人心常喜樂偷盜爲業以自存活其土人民咸皆聞知又於一時聞僧坊中有好銅瓊頑欲盜取即便與諸行人入於僧坊欲盜取瓊竟不獲得聞諸比丘說一四句偈論說諸天眼眴極遲世人速疾時彼偷人聞是語已憶在心懷尋即出去於其彼時有諸商客從他邦來持一上價摩尼寶珠奉獻上王王得珠已尋即遣人繫著塔頭時彼偷人聞王繫珠著塔棠頭密在心懷即便偷取匿而不出時王聞已塔棠失珠生大瞋恚即募國中設有見者密來紕語我當重賞遂致數時無敢應募時王怨禱無以爲計時有智臣啓白王言

今王境祁豐樂無極盜者甚少唯此一人偷盜爲業以用自活舉國聞知今此寶珠必是彼人見爲偷取今若繫縛撈撻鞭打必不肯首王當設計策謀彼人爲當虛實王問智臣當設何計智臣答曰密遣餘人請喚偷人各勸酒食極令使醉舉者殿上密使不覺莊嚴殿堂及諸伎女極令殊妙作衆音樂以娛樂之偷人於是必當驚覺勅諸伎女並各語言以汝閻浮提中偷塔棠頭珠故今得生此物利天上我諸伎女作倡音樂共侍衛汝汝實亦不時彼偷人夢夢故醉正欲道實恐畏不是正欲不道復爲諸女逼切使語時彼偷人

卒自憶念我昔曾聞沙門所說講論諸天眼
眴極遲世人速疾今者伎女眴皆速疾必非
是天尋即佞頭而不肯道於是未久便得醒
悟官不問罪脫得不死時彼智臣復更白王
當更設計策謀偷人王復問言以何策謀智
臣荅曰王可詐親喚彼偷人賜為大臣一切
庫藏密計頭數悉委付之於其後時王可軟
語今者更無如卿所親好守庫藏無令失脫
偷人聞已必懷歡喜王可徐問我前所著摩
尼寶珠繫塔棠者卿為知不其偷人者必當
首實何以知之今者為王所見貴重一切財
寶見為任信必向王首時波斯匿王如臣所

道設計頑歷於是偷人如智臣語向王首實
此寶珠者奴實盜取畏不敢出王復問言卿
前醉卧在我殿上諸女詰問汝在天上以何
不首偷臣白言我昔曾入僧坊之中聞諸比
丘講四句偈云道諸天眼眴極遲世人速疾
尋自憶念是故知非生在天上以是不首於
是波斯匿王還得寶珠甚懷歡喜不問偷臣
所作罪咎時彼偷臣既得脫已前白王言願
恕罪咎聽奴出家王告偷臣汝今尊榮富貴
快樂極可正念今以何故必欲出家偷臣白
王由我曾聞沙門所說一四句偈脫得不死
如是厄難况復多聞讀誦修習如說修行必

獲大利是故今者願欲出家精勤修習得同
羅漢果三明六通具八解脫諸天世人所見
敬仰尔時諸比丘聞佛所說歡喜奉行

百緣經卷第八

涇

崇頭正上直庚反乳舖正下音步浣洿伴二同玄頰

漫官下覽莫反達上曾敢反面皴作下側瘦反俯僂

于主反原呂反怒元上姿作誤態下他反額客二同吾般遮


于上瑟下音鉢標相相上必苗反齋俗子恍惚

下音忽反鹿澀俗所立反紺髮暗反晃胡上

廣反下罪下許毀下音紫嬉喜字銅下瓠

反或作義亦通徒眼下眴詩反匿尼力紕上誥俱

音榜楷
 癡上步庚下音舉上正上音界余
 莫鄧反下
 鄧反下
 都



人

人
 人

